







Танлов

Навой шаҳридаги "Фарход" маданият саройида ўтказилган "Қизилқум санъат гунчалари" IX аънавий болалар фестивалининг бу галги танлови Ўзбекистон Республикаси мустақиллигининг йигирма йиллигига бағишланди.

МАҲОРАТ ВА ИСТЕЪДОД НАМОЙИШИ

Беш кун давом этган мазкур кўриқда Зарафшон, Учқудук, Нуробод, Навоий, Зафаробод шаҳарлари ҳамда "Зармитан", "Кетмончи" кончалар кўрғонидида фаолият кўрсатаётган, Навоий кон-металлургия комбинатида қарашли маданият муассасаларининг тўрт уз нафардан ортиқ ёш иштирокчилари ўз маҳорат ва истеъдодларини миллий чолғучилик, яккагон ижрочилик, хор, эстрада, рақс ва санъатнинг бошқа йўналишлари бўйича ўзаро синаб кўришди.

Фестивалда оркестр, чолғу ансамбли ва созандалик йўналишида "Фарход" маданият саройининг "Нихол" миллий чолғу ансамбли, халқор рақсда Зарафшон шаҳар "Олтин водий" маданият саройининг "Афсона" ансамбли, эстрада рақси номинацияси бўйича "Фарход" маданият саройининг "Соната" жамоаси голибликни кўлга киритган бўлса, яккагон ижрочилик йўналиши бўйича эса "Фарход" маданият саройи хонандаси Бахтиёр Ҳамроев Гран-при соҳибига айланган.

Дилбар РАЗЗОҚОВА.

НОДИР ҚҮЛЁЗМА АСАРЛАР

баркамол авлодни тарбиялашда муҳим аҳамиятга эга

Истиқлол йилларида мамлакатимизда маънавий меросни асраб-авайлаш, уларни келгуси авлодларга безавол етказиш борасида кенг қўламли ишлар амалга оширилмоқда. Хусусан, ёзма меросимизни сақлаш, ўрганиш, тарғиб этиш ҳамда ёшлар тарбиясида улардан унумли фойдаланиш масаласига катта эътибор қаратилмоқда.

2000 йилда Ўзбекистон Республикаси Фанлар академияси Абу Райҳон Беруний номидаги Шарқшунослик институти қўлёзмалар фонди жаҳоннинг энг бой қўлёзма хазиналаридан бири сифатида ЮНЕСКОнинг маданий мерос объектлари рўйхатига киритилиши ўшубу саъй-ҳаракатларнинг халққор миқёсдаги эътирофи бўлди. Бугунги кунда мазкур илмий муассаса хазинасида аж- додларимиз томонидан яратилган 25 минг жилдан зиёд нодир асарлар, бир неча минг нусхадаги тарихий ҳужжатлар сақланмоқда. Ушбу бебаҳо хазина халқимиз тарихи ва маданиятини ўрганишда катта илмий аҳамиятга эга.

Илмий муассасамиз томонидан ўтган йиллар мобайнида Амир Темур ва темурийлар дав-

рига оид қарийб барча ёзма манбалар устида илмий изланишлар олиб борилди. Мухими, ўтказилган тадқиқотларнинг аксарияти китоб ҳолида нашр этилди. Мирзо Улуғбекнинг "Зиҳи ҳадиди Қўрагоний", Ибн Арабшохнинг "Амир Темур тарихи", Мирзо Муҳаммад Хайдарнинг "Тарихи Рашидий", Шарофиддин Али Яздийнинг "Зафарнома", Низомиддин Шомийнинг "Зафарнома", Абдураззоқ Самарқандийнинг "Матлаи саъдайн ва мажмаи баҳрайн" асарлари шулар жумласидандир.

Сўнгги йилларда қўлёзма асарлар таржималарини асл матни билан бирга нашр этишга алоҳида аҳамият берилмоқда. Хусусан, Носириддин Туранинг "Бухоро арки ҳақида тадқиқот", Хусайн Воиз Кошифийнинг "Ах-

лоқи муҳсиний" асарлари бунга яққол мисол бўла олади. Ушбу асарлар қўлёзма, яъни фотонусхаси билан бирга чоп этилди. Садриддин Айнийнинг "Бухоро инқилобининг тарихи" асари эса 2010 йилда Токиода муаллиф дастхати ва бошқа нодир қўлёзма нусхалар асосида, илк бор тўлиқ ҳолида нашр қилинди.

Мерос

Имом Бухорий, Абу Райҳон Беруний, Маҳмуд Замаҳшарий, Абу Али ибн Сино, Аҳмад Фарғоний, Мирзо Улуғбек ва Абу Мансур Мотуридий каби алломаларимизнинг хазинамида сақланган бир қатор асарлари чоп

Айни пайтда ҳам заҳматқор олимларимиз институтида хазинасида сақланган нодир қўлёзма асарлар устида тадқиқот ишларини амалга оширмоқдалар. Бундай асарлар ёш авлодни Ватанга садоқат, миллий ва умуминсоний қадриятларга ҳурмат руҳида тарбиялашда муҳим аҳамиятга эга. Зеро, маънавий юксалиш борасидаги ислохотлардан қўзланган асосий мақсад ёшларни ҳар томонлама баркамол инсон сифатида камолга етказишдан иборатдир.

Ўзбекистон Республикаси Фанлар академияси Шарқшунослик институти директори, тарих фанлари доктори.

Баҳром АБДУҲАЛИМОВ,

Ҳамиша ибрат намунаси. Уларнинг сиймоларини тасвирлаш орқали халқимизга хос эзгу фазилатларни тарғиб этиш нияти бор...

Бахтиёр Обидов яратган суратлар ўз муҳлисига эга. Қўллаб қўриқ-танлов ва кўргазмаларда унинг асарлари юқори баҳоланган.

— Астойдил қилинган ният, албатта, ижобат бўлар экан, — дейди Бахтиёр Обидов. — Бунинг учун асос мақсад ва интилиш бўлса, бас, уларнинг рўёби учун юртимизда барча шарт-шароит мавжуд. Юрт кезиб англадимки, бизнинг мамлакатда бошқаларнинг айрича ҳавас билан қарашлари беҳиз эмас. Зеро, ҳаётларимиз бошқача: бир-бирига оқибатли, садоқатли. Энди айтиш, шундай беназир юртин, унинг бағрикенг одамларини тарангум этмаслик мумкинми?!

Мақсуд ЖОНИХОНОВ.

Сўранг, жавоб берамиз

МЕҲНАТГА ОИД МУНОСАБАТЛАР

Савол: Моддий мадад беришга оид кафолатлар нималардан иборат?

Э. Тошматов. Тўрақўрғон тумани

Жавоб: Ўзбекистон Республикаси Меҳнат кодексининг 64-моддасига асосан, ишдан маҳрум бўлган, биринчи марта иш қидираётган, шунингдек узок (бир йилдан ортиқ) танаффусдан кейин меҳнат фаолиятини қайта бошлашни истаган ва ишсиз деб эътироф этилган шахсларга:

ишсизлик нафақаси тўлаш; қарамоғидегиларни ҳисобга олган ҳолда моддий ёрдам бериш; касб ўрганиш, малака ошириш ёки қайта тайёрлаш даврида стипендия тўлаши ҳамда шу даврни меҳнат стажига қўшиш; ҳақ тўланадиган жамоат ишларида қатнашиш имконияти таъминланади.

Ўзбекистон Республикаси Меҳнат кодексининг



67-моддасига биноан, меҳнат шартномаси алоҳида асослар бўйича бекор қилинган тақдирда, ходимларга моддий мадад бериш учун қўшимча кафолатлар назарда тутилган.

Савол: Ногиронлар меҳнатини муҳофаза қилишнинг қандай қўшимча чоралари мавжуд?

К. Жўраев. Хонқа тумани

Жавоб: Ўзбекистон Республикаси Меҳнат кодексининг 220-моддасига асосан, иш бевуви белгиланган минимал иш жойлари ҳисобидан иш жойларига ишга жойлаштириш тартибида маҳаллий меҳнат органи томонидан йўланган ногиронларни ишга қабул қилиши шарт.

ТМЭКнинг ногиронларга тўлиқсиз иш вақти режими ўрнатиш, уларнинг вази фасини камайтириш ва меҳнатнинг бошқа шартлари ҳақидаги тавсияларини бажариш иш бевуви учун мажбурийдир.

I ва II гуруҳ ногиронларига меҳнатга ҳақ тўлаш камайтирилмаган ҳолда иш вақтининг ҳафтасига

ўттиз олти соатдан ошмайди деган қарор қабул қилинади. I ва II гуруҳ ногиронларига ўттиз календарь кундан кам бўлмаган муддат билан йиллик узайтирилган асосий таътил берилди.

Ногиронларни тунги вақтда ишларга, шунингдек иш вақтининг ташқари ишларга ва дам олиш кунларига ишларга жалб қилишга уларнинг розилиги билангина, башарти улар учун бундай ишлар тиббий тавсияларда тақиқланмаган бўлса, йўл қўйилади.

Саволларга жавобларни ҳуқуқшунос Эргаш САЙИТОВ тайёрлади.

МЎЙҚАЛАМ СЕҲРИ

Бахтиёр ҳали мактабга бормаёқ бошқа болакайлар сингари ўйинқароқлик қилмасдан, ёзувчиликка меҳр қўйди. Кенг ҳовлининг эстагида ўтириб олиб, ўзича аллақандай тасвирларни чизар, агар биров унга яқинлашса, дарҳол қораламаларини яширарди. Орадан фурсат ўтиб, ўқувчи бўлди. Мактабдаги илк сабоқ ва ҳаёт ҳақидаги дастлабки тушунчалар ўсим руҳидаги иқтидорга қанот бағишлади. Вақт ўтгани сайин истеъдоди ҳам тоблиниб борди.

рассомлик ва дизайн институтида таҳсилни давом эттирди. Айни пайтда ўзбекистон Бадиий академияси аъзоси.

— Инсон ҳар доим орзу-хавас билан яшайди, — дейди биз билан суҳбатда Бахтиёр Обидов. — Бирок фақатгина хаваснинг ўзи билан мақсадга етиб бўлмайди. Фахрлиниб айта оламизки, мамлакатимизда ҳар бир истеъдод эгаси, айниқса, қобилиятли ёшлар ҳар томонлама қўллаб-қувватланмоқда. Давлатимиз раҳбарининг беқиёс ғамхўрликлари тўғрисида қанчадан-қанча истеъдодлар кашф этилмади дейсиз?! Шубҳа-

сиз, бугунги ютуқларимизга Истиқлол сабабчи. У бизни катта мақсадлар сари бошлаб, ўз устимиз-аъзоси.

Истеъдод

да ишлашга, интилишга, эл-юрт учун хизмат қилишга ундади.

Мусавирнинг ижодини кузатиб, унинг тасвирларида табиат манзараларига алоҳида ургу берилганлиги гувоҳ бўламиз. Масалан, "Қишлоқ", "Маҳаллада тўй", "Дўстлар суҳбати" каби асарларда табиат манзаралари ва қишлоқ одамларининг самимий қиёфаси кишида хуш таассурот

Реклама ва эълонлар

Advertisement for Fiat Industrial and New Holland Agriculture featuring a blue tractor (TL 100) and leasing information. Includes contact details for UzCaseService and UzCaseAgroleasing.

Advertisement for NBU (National Bank of Uzbekistan) featuring a table of loan offers and contact information. The table lists loan amounts, interest rates, and terms for various branches.

ЦЕМЕНТ (пц400 д20) 284,5 ▼ -86,0 ЦЕМЕНТ (пц400 кд20) 220,5 ▼ -4,7 АРМАТУРА 3598,8 ▲ +329,2 ШИФЕР (1 лист) 15329 ▲ +347 АЗОТ. ФОСФОР. ЎҒИТИ 370,1 ▲ +0,5 Биржа баҳолари ҳақида кўпроқ билишни истасангиз, UZEX сўзини 8383 га юборинг.

Advertisement for 'Халқ сўзи' newspaper featuring contact information for the editorial office, subscription rates, and a QR code for more information.